

195200

鳳凰廳志

112326

鳳凰廳志

重修鳳凰廳志序

自古文獻之徵於圖則有史於
郡縣則有志志雖與史異體志
實與史相備政令典章於是乎
具土田賦役於是乎詳人物風
俗興廢事功於是乎著故稽一

國之事莫賅於史而徵一郡一
縣之事莫重於志鳳凰廳僻處
楚邊尚苗錯據有明以前其所
謂吏而治之者特備守禦以閑
越畔耳禮教缺如志於何有自
我

朝定鼎以來聲威遠暨陸警水慄
康熙四十六年各土司請內附
咸歸印綬由是始置之官長籍
其民人正其疆里迺析乾鳳永
之地而廳之蓋政令制作自是
始具焉乾隆十八年休寧慎齋

黃公以岳守來分巡此地舉廢
脩墜勤於更化爰率僚屬裒輯
舊事彙纂成書鳳凰廳之有志
實肇於此然歸流未久經制未
脩則其志亦猶草創也總此風
會日新政以時異又守茲土者

類多賢能教民興學勞農勸稼
移風易俗日進蒸蒸日上而其中政
績之卓著則尤在於治苗蓋鳳
廳之治苗戢則民安前後數十
年間脩邊墻建關隘設汛哨嚴
條約人不事事不一人而鳳

廳遂巍然為南服重鎮至乾隆
六十年羣苗復恣馳梁豕突鴟
張肆出焚掠

子命帥簡師擄期底定

王師所到電掣雷轟披榛莽而剔

巢穴集渠翦魁諭脅釋服用克

蠲滌害氣胥臻廓清而一時屯
田練勇碉卡關防設義館以廣
教化養苗兵以範蠻荒舉凡興
創設施則前觀察傅重菴廉訪
之規為尤為詳備焉余不佞奉
命巡是邦下車以來每兢兢思民


苗所以久安之道欲訪已事而
師守之乃舊志作於數十載以
前多所未備竹菴司馬為慎齋
黃公從姪適知斯廳乃復取舊
志而詳檢之續其所未及補其
所未全稽覈搜討裒然成書而


於屯防苗防諸要政尤加詳賅
俾涖斯土者知禮教之不可以
不脩武備之不可以不講化篤
驚而範蠢動庶幾習淳守樸之
民長安耕鑿而永臻熙皞也然
則觀廳志而所以治斯廳者其

序
道備焉矣余既躋此志之有裨
於治道而竹菴之繼述前徽後
先濟美則又一時之盛也是為

道光四年歲次甲申閏七月下
澣分巡湖南辰永沅靖兵備道

海豐張映蛟謨并書





武豐縣知縣徐長壽

續修鳳凰廳志序

國家承平百八十年聲教暨乎荒外
德澤洽於邊陲凡禮俗政事人民
孝秀田賦軍實疆里山川以及戶
口之殷繁物產之阜盛府州縣皆
登之志乘以達

天府以光

國憲脩武燦爛真神明之式也廳地

舊屬苗疆土司世據其地康熙中

始請歸附文物典章尚多荒畧乾

隆癸酉余從伯吾南公分巡於此

憫其缺陋爰率僚屬肇修廳志迄

睿謀

於今六十餘載矣氣運所積世異
政舉自嘉慶元年戡定苗亂後各
大憲稟承

籌辦善後事宜一切城垣村堡官
制兵制屯田學校訓練苗防因時
制宜燦焉脩舉而一時忠臣志士